



სსიპ საქართველოს ტექნიკური უნივერსიტეტის
წარმომადგენლობითი საბჭო (სენატი)
დადგენილება № 01-06-02/09

ქ. თბილისი

24 მარტი 2026

საქართველოს ტექნიკური უნივერსიტეტის ენერგეტიკის ფაკულტეტზე
სახელობითი სტიპენდიების დაწესების და გაცემის წესის შესახებ

„უმაღლესი განათლების შესახებ“ საქართველოს კანონის მე-18 მუხლის პირველი პუნქტის „ნ“ ქვეპუნქტის, 43-ე მუხლის პირველი პუნქტის „ი“ ქვეპუნქტის, საქართველოს განათლებისა და მეცნიერების მინისტრის 2013 წლის 9 სექტემბრის №133/ნ ბრძანებით დამტკიცებული საჯარო სამართლის იურიდიული პირის – საქართველოს ტექნიკური უნივერსიტეტის წესდების მე-11 მუხლის პირველი პუნქტის „ჟ“ ქვეპუნქტის, 39-ე მუხლის მე-3 პუნქტის „თ“ ქვეპუნქტის, უნივერსიტეტის შინაგანაწესის მე-9 მუხლის მე-3 პუნქტის შესაბამისად, უნივერსიტეტის ენერგეტიკის ფაკულტეტის დეკანის, პროფესორ ქეთევან ქუთათელაძის 2026 წლის სამსახურებრივი ბარათის, ენერგეტიკის ფაკულტეტის საბჭოს 2026 წლის 19 მარტის სხდომის №8 ოქმის, აკადემიური საბჭოს 2026 წლის 24 მარტის №01-05-04/38 დადგენილებისა და წარმომადგენლობითი საბჭოს (სენატი) 2026 წლის 24 მარტის №01-06-02/04 ოქმის საფუძველზე საქართველოს ტექნიკური უნივერსიტეტის წარმომადგენლობითმა საბჭომ დაადგინა:

1. დამტკიცდეს საქართველოს ტექნიკური უნივერსიტეტის ენერგეტიკის ფაკულტეტზე ბაკალავრიატის სტუდენტებისთვის გამოჩენილი მეცნიერ-ენერგეტიკოსების, საქართველოს მეცნიერებათა აკადემიის აკადემიკოსების, ტექნიკის მეცნიერებათა დოქტორების, ალექსანდრე დიდებულიძისა და ვახტანგ გომელაურის სახელობითი სტიპენდიების დაწესების და გაცემის წესი;
2. დადგენილება შეიძლება გასაჩივრდეს გამოქვეყნებიდან 1 თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში, მდებარე: ქ. თბილისი, დავით აღმაშენებლის ხეივანი №64.

სტუ-ის წარმომადგენლობითი საბჭოს (სენატი)

სპიკერი, პროფესორი

ზაზა სოფრომაძე